



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE GJILAN

Numri i lëndës: 2018:035794

Datë: 14.09.2018

Numri i dokumentit: 00121303

P.nr.534/2017

NË EMËR TË POPULLIT

GJYKATA THEMELORE NË GJILAN, Departamenti i Përgjithshëm, përmes gjyqtarit të vetëm gjykues Behar Ymeri, me sekretaren juridike Igballe Azemi, në çështjen penale ndaj të pandehurit M.J., nga ..., për shkak të veprës penale Sulmi nga neni 187 paragrafi 1 të KPRK-s, i akuzuar sipas aktakuzës të Prokurorisë Themelore në Gjilan, PP.II.nr.813/2017, të datës 29.05.2017, të cilën e përfaqëson prokurori Shefik Memeti, pas mbajtjes së shqyrtimit fillestar dhe publik, më datën 11.09.2018, mori dhe publikisht shpalli këtë:

A K T G J Y K I M

I pandehuri **M.J.**, nga babai V., e ëma G., e lindur T., i lindur më ... në Gjilan, me vendbanim në ..., me nr. personal ..., ka të kryer shkollën e mesme, i pa punë, i pa martuar, i gjendjes së varfër ekonomike, serb, shtetas i R. Kosovës, më parë i dënuar ndërsa tani nuk udhëhiqet procedurë tjetër për ndonjë vepër penale.

ËSHTË FAJTOR

Sepse më datë 13.05.2017, rreth ores 01.00 minuta, pas mesnate në kafiterinë ‘ ... ’, në qendër të fsh. ..., i pandehuri, pas një mosmarrëveshje fillimisht verbale me S.V. të njëjtin e sulmon edhe fizikisht duke e goditur me grushta në fytyrë, dhe nga këto goditje i dëmtuari ka pasur edhe gjakderdhje nga hunda, dhe për kundër këtyre lëndimeve i dëmtuari ka refuzuar ndihmën mjekësore,

-me çka ka kryer veprën penale Sulmi nga neni 187 paragrafi 1 të KPRK-s.
Andaj, gjykata në bazë dispozitës së lartcekur ligjore dhe neneve 4, 41, 42, 43,50, 51, 73, 74 dhe 75 të KPRK, si dhe nenit 365 të Kodit të Procedurës Penale (KPP), të akuzuarit i shqipton:

DENIM ME KUSHT

Të pandehurit **M.J.**, i shqiptohet dënim me burgim në kohëzgjatje prej 90 (nëntëdhjetë) ditë, dënim i cili nuk do të ekzekutohet, nëse i pandehuri në periudhën verifikuese prej 1 (një) viti duke filluar nga dita e plotfuqishmërisë së këtij aktgjykimi, nuk kryen vepër tjetër penale.

I pandehuri për shkak të kushteve ekonomike të varfër, në bazë të nenit 453 paragrafi 4 të KPP-s, lirohet nga shpenzimet e procedurës penale.

ARSYETIM

1. Rrjedha e çështjes.

Prokuroria Themelore në Gjilan, me datë 29.05.2017, ka ngritur aktakuzën PP.II.nr.813/2017, kundër të pandehurit M.J., për shkak të veprës penale Sulmi nga neni 187 paragrafi 1 të KPRK-së. Në shqyrtimin gjyqësor në të cilin ishin prezent Prokurori i Shtetit Shefik Memeti, i dëmtuari S.V. dhe i pandehuri M.J., në të cilën seancë i pandehuri pas leximit të aktakuzë deklaroi se e pranon fajësinë për kryerjen e veprës penale.

2. Vlerësimi i pranimi të fajësisë.

Në shqyrtimin fillestar dhe publik, gjyqtari i vetëm gjykues pas dëgjimit të prokurorit të shtetit, ka marrë aktvendim me të cilin ka pranuar fajësinë e të pandehurit M.J. për kryerjen e veprës penale për të cilën akuzohet, ngase ka konstatuar se janë plotësuar gjitha kushtet ligjore për një gjë të tillë. Në këtë aspekt gjyqtari i vetëm gjykues ka konstatuar se i pandehuri e ka kuptuar drejtë natyrën dhe pasojat e pranimi të fajësisë, se pranimi i fajësisë është bërë vullnetarisht, se i pandehuri nuk ka qenë i detyruar ose i shtrënguar në asnjë mënyrë që të pranojë fajësinë, se pranimi i fajësisë mbështetet në faktet e çështjes të cilat i përmban aktakuza dhe se aktakuza nuk përmban ndonjë shkelje ligjore e as gabime faktike.

3. Gjendja faktike e vërtetuar.

Duke u bazuar në të lartcekurat, gjyqtari i vetëm gjykues vërtetoi këtë gjendje faktike: se i pandehuri M.J. ka kryer veprat penale Sulmi nga neni 187 paragrafi 1 të KPRK-s, në kohën vendin dhe mënyrën e përshkruar si në dispozitiv të këtij aktgjykimi.

4. Elementet e veprës penale

Gjykata, pas dëgjimit të deklaratave të palëve lidhur me dënimin, e ka shpallur fajtor të pandehurin M.J., për shkak të veprës penale Sulmi nga neni 187 paragrafi 1 të KPRK-s, ngase veprimet e të njëjtit i përmbajnë të gjitha tiparet e veprës penale dhe se për të njëjtën është dhe penalisht përgjegjës. Kjo për faktin se i njëjti e ka pranuar edhe vet.

Në nenin 187 paragrafi 1 të KPRK-s, vepra penale Sulmi konsiderohet:

1. Kushdo që me dashje përdor forcën ndaj personit tjetër, pa pëlqimin e atij personi, dënohet me gjobë ose me burgim deri në tre (3) vjet.

5. Rrethanat që janë marrë për bazë me rastin e shqiptimit të dënimit

Gjyqtari i vetëm gjykues, me rastin e shqiptimit të dënimit duke u bazuar në nenit 73, 74, 75 dhe 76 të KPRK-ës, ka vlerësuar se duhet të pranohet pranimi i fajësisë nga ana e të pandehurit dhe të njëjtit ti shqiptohet dënim me kusht, si në dispozitiv të këtij aktgjykimi, ngase duke i marrë parasysh të gjitha rrethanat dhe provat ky dënim do të jetë dënim i drejtë dhe në harmoni me peshën e veprës penale, ashtu që të pandehurit M.J. si rrethanë posaçërisht lehtësuese ka marrë faktin se i pandehuri ka pranuar fajësinë për veprat penale për të cilat akuzohet, se i njëjti është penduar dhe ka premtuar gjykatës që në të ardhmen nuk do të kryej vepra tjera penale, i dëmtuari nuk i është bashkangjitur ndjekjes penale, ndërsa si rrethana rënduese gjykata ka konsideruar shqetësimin dhe frikën shkaktuar të dëmtuarit.

6. Shqiptimi i dënimit në harmoni me peshën e veprës penale dhe me shkallën e përgjegjësisë penale të pandehurit dhe qëllimi i dënimit të shqiptuar

Sipas bindjes së gjyqtarit të vetëm gjykues dënimi i shqiptuar ndaj të pandehurit M.J., duke marrë parasysh rrethanat e përmendura më lartë është dënim i drejtë dhe në harmoni me peshën e veprës penale dhe shkallën e përgjegjësisë penale të pandehurit. Gjyqtari po ashtu ka konstatuar se me këtë dënim mund të arrihet qëllimi i dënimit nga neni 41 të KPRK-s, i cili konsiston në parandalimin e

të pandehurit nga kryerja e veprave penale dhe rehabilitimin e tij, parandalimin e personave të tjerë nga kryerja e veprave penale, shprehja e gjykimit shoqëror për veprën penale dhe ngritjen e moralit dhe forcimin e detyrimit për respektimin e ligjit.

7. Vendimi mbi shpenzimet e procedurës penale

Duke pasur parasysh natyrën e kësaj çështje penale dhe gjendjen financiare e të pandehurit M.J., gjyqtari i vetëm gjykues duke u bazuar në gjendjen e tij materiale vendosi në bazë të nenit 453 paragrafi 4 të KPP-së, që t'a liroj nga pagesa për shpenzimet e procedurës penale. Andaj duke u bazuar në të lartcekurat gjykata vendosi si në dispozitiv të këtij aktgjykimi.

GJYKATA THEMELORE NË GJILAN
Departamenti i përgjithshëm
P.nr.534/2017 - Më datë 11.09.2018

Sekretarja Juridike
Igballe Azemi d.v

Gjyqtari
Behar Ymeri d.v

KËSHILLA JURIDIKE: Kundër këtij aktgjykimi mund të paraqitet ankesë në Gjykatën e Apelit në Prishtinë / Departamentit të përgjithshëm në afat prej 15 ditëve nga dita e pranimit e të njëjtit. Ankesa në kopje të mjaftueshme i paraqitet kësaj gjykate.

Numri i lëndës: 2018:035794
Datë: 14.09.2018
Numri i dokumentit: 00121303